




EAJ-PNV, Gobernuaren alternatiba bakarra EH-Bilduren norabide faltaren aurrean

*2023-2027 agintaldiaren erdira heltzear EH-Bilduko
Gobernu-taldeak gure herriarentzako bide-orri eta estrategia
argirik gabe jarraitzen du*



Gure jarrera 2025eko udal-aurrekontuen aurrean

EAJ-PNVk uko egin zion jada 2025eko ordenantza fiskal berrietarako EH-Bilduk egindako proposamenari. Ordenantza horien arabera, zergak eta tasak %2,3 igoko dira, eta hondakinak biltzeko tasa %50 igoko da. Planteamendu horrek ahalegin fiskal handiegia eta alferrikakoa eskatzen die familia audioarrei, batez ere egungo testuinguru ekonomikoan.

EAJ-PNVtik kritikatu nahi dugu igoera hori ez dela progresiboa eta familia guztiei berdin eragiten diela, haien ahalmen ekonomikoa kontuan hartu gabe. Gainera, zama gehigarria da sektore estrategikoentzat, hala nola merkataritzarentzat, ostalaritzarentzat eta industria txikiarentzat, dagoeneko zailtasun handiak baitituzte.

Halaber, gure alderditik alternatiba orekatuago bat proposatu genuen, tasen eta zergen igoera neurrizkoago batean oinarritua, zabor-tasaren igoera konpentsatzeko aukera emango zuena, etxeetako ekonomia kaltetu gabe. Era berean, **zerga-sistema bidezkoagoa eta progresiboagoa defendatzen dugu, zerga-kargak familia bakoitzaren ahalmen ekonomikora egokituko dituen, eta Laudioko funtsezko sektoreen lehiakortasunari eutsiko dioten neurriak hartuko dituen. EH-Bilduk, ordea, gure proposamenak baztertu ditu, alternatiba funtsaturik eskaini gabe.**



*Inkoherentzia handia deritzogu
pankarta guztien atzean
jartzeari, baina ez erabili Udalak
dituen benetako tresnak, bere
aurrekontua, udalerraren beharrei
erantzuteko.*

Eta, gainera, orain aurrekontu-proiektu bat dugu, proposamen berririk gabe, proiekturik gabe, ideia berririk gabe, audioarren beharrei erantzun gabe. EH-Bilduk ilusiorik gabeko aurrekontuak proposatu ditu berriro, EAJ-PNVk aurreko legealdian abian jarritako Laudioko eraldaketa-proiektua geldiarazi besterik egiten ez dutenak. Zertarako igo tasak eta zergak, gero gure bizilagunen bizi-kalitatea hobetzen ez bada? Aurrekontuek zergatik ez dituzte jasotzen herritarrek urte kuzez eskatzen ari diren inbertsioak?

EAJ-PNVko zinegotziok argi daukagu: hau ez da Laudio behar duen aurrekontua. Beharrezkoa da gobernu-taldeak udal-zerbitzu publikoak hobetzeko benetako apustua egitea, kirol- eta kultura-azpiegiturak berritzeko inbertitzea, gure merkataritza eta industria sustatzea eta familia audioarrentzako zerbitzuak eta laguntzak indartzea.



Ez dago aginte-planaren arrastorik ere

Hauteskunde promesak gorabehera, EH-Bilduk ez du udalerrriaren norabidea markatuko duen plan estrategikorik aurkeztu. Kanpaina, egungo gobernu-taldeak ziurtatu zuen dokumentu hau modu parte-hartzailean egingo zuela, herritarren laguntzarekin, baina ia 24 hilabete geroago ez dago ibilbide-orri argirik.

Izan ere, gobernu-taldeak hainbat auzo-batzar egin zituen iaz, herritarren proposamenak jasotzeko, eta Plan honetan sartuko zituela hitzeman zuen. Hala ere, ez da urratsik egin norabide horretan. Zer egin du EH-Bilduk proposamen horiekin? Zergatik galdetu zien herritarrei ez ote zuen haiek entzuteko asmorik?

Guk argi daukagu: EH-Bilduk egindako hauteskunde promesa guztiak hitz hutsak baino ez ziren izan alkatetza lortzeko. Enpresen lekualdaketak, eko-boulevardak, azpiegitura teknologiko berriak, etxebizitza eta beste gai batzuk, 15 egunez *trending*

EAJ-PNVtik eskatzen dugu Ainize Gastaka alkateak bete dezala Agintaldi Plan parte-hartzailea eta gardena aurkezteko konpromisoa, hauteskunde-kanpaina agindutakoari erantzungo diona eta udalerrriaren beharrak etorkizuneko ikuspegi batekin jasoko dituen.

topic izan zirenak EH-Bilduko sare sozialetan, eta bi urtean berriro hitz egin edo eztabaidatu nahi izan ez dituztenak.

HAPOk urtebete baino gehiagoko atzerapena darama, Kulturaren Plan Estrategikoa ia ez da aktibatu, parte hartzeko eredu berria ez dugu inon ikusten, gardentasuna falta da, hornitzaileei eta tokiko elkarteei ordaintzeko atzerapenak pilatzen dira, eta abar.

Azken batean, lidergo falta nabaria da.





EH-Bilduk parte-hartzeaz eta gardentasunaz hitz egiten du, baina herritarrek ahotsik eta informaziorik gabe jarraitzen dute


EH-Bildu Laudioko Udalera iritsi zen, herritarren parte-hartzean aurrera egiteko eta bizilagunak udal-erabakietan aktiboki parte hartuko genduela bermatzeko promesarekin. Hala ere, errealitatea oso bestelakoa da. EH-Bilduren kudeaketaren ezaugarri nagusiak gardentasun eza eta opakutasuna dira, informazioa eskuratzea

zailduz eta herritarren eskaerei entzungor eginez.

Udal-informazioa eskuratzea ez da pribilegio bat, talde politikoaren oinarritzko eskubide bat da, eta gobernu-taldearen betebeharrak. Horregatik, legegintzaldiaren hasieratik, EAJ-PNVk askotan eskatu izan du udal-kudeaketari buruzko funtsezko


informazioa, kasu askotan erantzunik jaso gabe. EH-Bilduko gobernu-taldeak behin eta berriz eskatutako dokumentazioa emateari uko egin dionez, gure kexa **Arartekoarengana** eta **Informazio Publikoren Sarbiderako Euskal Batzordera** eramanez. EH-Bilduk sistematikoki urratu du kontratazioei, dirulaguntzei, udal-ekipamenduei, obrei eta aurrekontu-kudeaketari buruzko informazioa emateko betebeharra, eta urratu egin du oposizioaren eta herritarren udal-errealitatea ezaugarritzeko eskubidea.

EH-Bilduk ere hitzeman zuen auzokideen proposamenei balioa emango zuela eta parte-hartze araudia hobetuko zuela. Baina, non daude hobekuntza horiek? Zinegotzien postontzirik ere ez dago





herritarrekiko zuzeneko komunikazioa bideratzeko, eta jakinarazten ari zaigu asko direla bide ofizialetatik erregistratu arren Udalaren erantzunik jasotzen ez duten auzo-kexak. Egoera hori alkatearekin harremanetan jartzeko postontzira ere eraman dute. Hainbeste hitz emandako "berdinen arteko konfiantza" eta "lankidetz" oihartzun huts bihurtu dira, ekintza bihurtzen ez den kanpaina-estrategia.



Laudioarrok egiteak behar ditugu, eta ez diskurtso hutsak. Herritarren parte-hartzeak eta

gardentasunak errealitatea izan behar dute, eta ez ke-salmenta hutsa.



EAJ-PNVk kudeaketa-eredu irekia, gardena eta parte-hartzailea eskatzen eta lantzen jarraituko du, herritarren ahotsa benetan entzungo duena.

Ez dago ideia txikirik amesten dugun Audio eraikitze



ESATEKORIK BA AL DUZU?

Hemen gaude zuri entzuteko eta elkarrekin amestutako herri hori eraikitze

- www.facebook.com/eajpnvAudio/
- www.instagram.com/eajpnvAudio
- <https://x.com/eajpnveskualdea>
- eaj-pnvlaudio@hotmail.com
- 688 623 818
- Batzoki Audio. Alberto Acero, 12

HARREMANETAN JARTZEKO MODUAK



ELKARRIZKETA

Ander Larrinaga



EAJ-PNVk EH-Bilduk proposatzen duen zerga eta tasen igoeraren aurka dagoela adierazi du. Zein da zure alderdiaren jarrera ordenantza fiskal horien inguruan?

EAJ-PNVtik oso argiak izan gara gai honekin: ez zen unea. OMNIA-rekin aurrera atera duen EH-Bilduren proposamen fiskalak udal tasen eta zergen igoera orokorra dakar, egoera ahulean dauden familiei kalte egiten diena. Ez dugu ulertzen, gainera, gobernu-taldea 11 hilabetez geldirik egon izana eta bi astetan oraindik lan handia behar zuten ordenantza fiskalak onartu nahi izatea.

“Ander Larrinaga naiz, bizitza osoko laudioarra. 2011. urteaz geroztik, esparru publikoan ari naiz lanean, lehenik administrazioaren aholkulari gisa, eta 2019-2023 legegintzaldian Laudioko alkateorde gisa, Udal Estrategiako eta Hirigintzako zinegotzi gisa. 2023ko uztailaz geroztik, Arabako Foru Aldundiko Ekonomiaren Garapen eta Berrikuntza zuzendaria naiz.”

Zure ustez, EH Bilduren ikuspegi fiskalak Laudioko benetako beharrei erantzuten die?

Ez horixe. Gure ustez, legealdi honetan, inoiz baino gehiago, bulego politika bat egiten ari da, gure bizilagunen benetako beharrak ezagutzera atera gabe. Parte-hartzeaz ari garenean, gure ustez, parte hartzea ez da laudioarrak gobernu-taldeari hitz egiten entzutera esertzea, baizik eta elkarlanerako, aktiboki entzuteko, udalerraren egoera eta Laudion bizi eta lan egiten duten eragileak benetan aztertzeke eta, horrekin batera, konponbideak emateko ariketa zintzoagoa izan



behar du. Horren falta sumatzen dugu.

Udal-kudeaketaren ondorioz, zer aukera galtzen ari dira Laudiorako?

EH-Bilduk, 2015-2019 legegintzaldian gertatu zen bezala, lozorroan sartu du Audio. Proiekturik eza, anbiziorik eza, ideiarik eza. Horrek esan nahi du aukera asko galtzen direla gure bizilagunen beharrei erantzuteko. Zergatik ez da proiekturik aurkeztu Estatuko edo Europako laguntza-lerroetara proiektuak finantzatzeko? Gobernu-talde baten lana udalerraren garapenaren alde borrokatzea izan behar da, eta horretarako, esan bezala, bulegotik atera, erakundeekin bildu, proiektuak planteatu, lankidetzaz hitzarmenak sinatu eta Laudiora inbertsioak ekarri behar dira. Aurreko legealdian, EAJ-PNVk URA Audioko azpiegituretan inbertitzea lortu zuen,

Arabako Foru Aldundiak suhiltzaileen parke berrian inbertitzea eta Antzokian Europako laguntzak lortu genituen Abastos plazarako, eta milioi bat euro baino gehiago lortu genituen egoitza zaharra birgaitzeko.

Hiri Antolamendurako Plan Orokor (HAPO) berria Laudiorako elementu estrategikoenetako bat da. Nola baloratzen duzu jarraitzen ari den prozesua?

Pena handiz, egia esan. Aurreko agintaldian, EAJ-PNVk abian jarri zuen HAPO berria idazteko prozesua, 1994an onartutako dokumentu batekin lanean ari garela jakinda, hor ez dago ezer. Lan-prozesu horrek mugarri batzuk zituen, eta oso egutegi argia; legegintzaldi honetan gelditu egin da, eta ia urte eta erdiko atzerapena pilatu du. 2025eko lehen hiruhilekoa amaitzear dagoela, aurrerapen-

dokumentu bat jaso dugu, etsipana eragin dugun dokumentua.

Amaitzeko, zure ustez, zer aldatu beharko litzateke legealdi honetan udal-kudeaketan epe laburrean audioarren beharrei erantzuteko?

Legegintzaldiaren erdia igaro da dagoeneko. Nire ustez, Gobernu Taldeak aitortu beharko luke hilabete gehiegi galdu dituztela martxan jartzen, gobernukideekin desadostasunak izan dituztela, berregituraketak egin dituztela eta abar. Barne-arazo horiek ez dute zerikusirik bizilagunekin, baina, azkenean, horiengan eragina dute. Eta, hortik aurrera, egungo gelditasuna gainditzea, herriari entzuteko ariketa zintzoa egitea eta agintalditik geratzen diren bi urteetarako lan-ildoak planteatzea. Udal kudeaketan ez dago errezeta magikorik, baina osagai nagusi bat dago: lana.



LANEAN JARRAITZEN DUGU
MEREZI DUZUN LAUDIO ERAIKITZEKO
SEGUIMOS TRABAJANDO PARA CONSTRUIR UN MÁS Y MEJOR
LAUDIO, EL PUEBLO QUE TE MERECES